

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Johannis Segeri Weidenfeld De Secretis Adeptorum Sive
Usu Spiritus Vini Lulliani Libri IV**

Weidenfeld, Johann S.

Londini, 1684

114. Aqua Paradisi Isaaci

[urn:nbn:de:bsz:31-96282](#)

ab auro decanta , quo desuper octies vel novies combure vini
(communis) rectificatum spiritum ad tollendam omnem olei
falsis aciditatem , pag. 11. *Thesaur. Chym.* Ex auro ita sub-
limato sequenti methodo præparavit Vitriolum graduatum
solis.

R. Auri sublimati uncias quatuor & semis , affunde Acetum
radicale (cum spiritu vini mixtum) ad trium digitorum emi-
nentiam , digere per tres dies in balneo , decanta acetum , &
recens reaffunde usque omne fuerit dissolutum , quod in B. ab-
strahe ad liquorem , sed cavendum ne nimium ; pone in cella
frigida , & cristallisabitur Vitriolum auri in colore rubini vel
granati juxta operationis methodum magis vel minus pul-
chrum , à quo decanta liquorem denuò ad cuticulam abstrahen-
dum , usque dum habueris vitrioli uncias quinque. Pag. 19.
Thesaur. Chym. Eodem modo etiam præparavit lunæ vitriolum
graduatum , pag. 31. ut & Martis , pag. 36. Jovem vero pag. 42.
Venerem pag. 45. & Saturnum pag. 49. calcinavit tantum ,
& cum Aceto prædicto in graduata rededit Vitriola , ex quibus
omnibus vitriolis per modum spiritus Veneris Basiliæ menstrua
hujus generis destillari possunt.

*Isaacus spiritum Saturni ex Vitriolo graduato plumbi via
destillavit.*

114. Aqua Paradisi Isaaci , In Opere Saturni.

R. Sturni libras decem aut quindecim , cui non sit admix-
tum aliud metallum , lamina tenuiter , & habe ampho-
ram semiplenam aceto , luta , pone in balneo tepido , & singu-
lo triduo aut quatriduo abrade saturnum calcinatum à laminis ,
collige ad quinque aut sex libras , tere hunc saturnum calcina-
tum (cerussam) cum aceto destillato (philosophico) super
marmor ut cum penicillo picturæ possit servire , accipe porrò
urceum lapideum , & in eo affunde saturno calcinato acetum
destillatum , relicta tertia parte urcei vacua , permisce optimè ,
obtura eum operculo vitreo aut lapideo , pone in balneo , ru-
dicula aut cochleari ligneo quinquies aut sexies die move , ob-

N n 2 tura

tura rursus , neque calefac balneum magis quam ut manum in eò pati possis ; stet sic 14 diebus , & noctibus , tum refunde clarum , & affunde acetum novum calci nondum solutum ; misce , procede ut prius , fac toties donec omnis calx saturni soluta sit , saturnum sic solutum pone in balneo , evapora acetum lento igne , saturnus in massam redigetur , quam move donec sicca fiat ; erit coloris mellei , tere eam super marmor cum aceto destillato , saponis instar , repone in urceo lapideo optimè mixta in balneo rapido per quinque aut sex dies , move singulis diebus rudicula lignea , operi vitrum , sine refrigerescere , refunde quod solutum est in urceum alium lapideum magnum , affunde aliud acetum , misce optimè , pone denuò in balneum , refunde & sic procede donec nihil amplius solvatur , quod lingua experieris , si enim dulce sit acetum , non est satis solutum , aut pone aliquantum in cucurbita vitrea , & sine evaporare ; si aliquid remaneat , non totum quod aurum fieri vult solutum est , & quod in urceo remanet , seu fæces , si sint dulces in lingua , & adhuc aliquid in cucurbita reperias quod non satis solutum est potes novo aceto affuso solvere . Coagula has solutiones ut prius ; solve aceto destillato ut prius ; has coagulationes & solutiones continua donec nullæ amplius fæces in fundo remaneant sed omnia solvantur in aquam claram & limpidam , tunc saturnus liber est ab omni sua lepra , melancholia , fæcibus , nigredine , additamentoque , & est purus , niveusque quia ab omnibus fædibus purus est , fusibilis ut cera , & dulcis ut saccharum , &c.

R. Medietatem saturni purgati , hanc pone in urceo lapideo & affunde ei quatuor libras aceti destillati , imposito alembico destilla acetum in balneo , debet autem alembicus in summitate habere foramen per quod affunde acetum recens , destilla ut prius ; affunde novum & abstrahere , & hoc donec acerum sequè forte abstrahatur ac affunditur , tunc sufficit , quia materia imbibit tantum spirituum Aceti quantum opus ei , & quintum retinere potest . Exime urceum igni , demptoque alembico pone materiam in vitrum quod ignem ferre posse , adde ei alembicum , pone in capella cum cineribus in furno , fac primo ignem lentum , auge paulatim donec materia tua transeat sanguinis colore & olei crassitudine , sacchari dulcedine & cœlesti odore ; conserva calorem dum deitillat , si cesseret , auge ignem donec vitrum canescere

descere incipiat, conserva in hoc calore donec nihil amplius destillet; sine refrigerescat per se, deme recipientem, & optimè cum cera obtura, materiam (*caput mortuum*) tunde in mortario ferreo, cum pistillo chalybeo, & deinde tere super marmor cum aceto destillato (*Aceto cum spiritu vini phil. mixto*) pone in urceo lapideo ut duæ partes plenæ sint, destilla per balneum, aſſunde novum acetum, destilla ut prius, ita donec acetum destillet eadem fortitudine qua affusum fuit. Refrigercant, materiam in vitro forti super cineres in capella destilla ut prius, primo igne lento, deinde fortiori ut prius fecisti, exibit oleum rubrum ut prius, &c. materiam tunde, & procede denuò donec in destillatione in balneo, materia non amplius secum retineat spiritum aceti; tum accipe materiam, in cucurbita vitrea destilla ex cineribus quod destillare vult, donec materiam in oleum rubrum destillaveris quæ est aqua Paradisi nobilissima ut illa lapides omnes fixi perfundantur & lapis perficiatur. Hanc Aquam Paradisi vocarunt antiqui Acetum suum acre, clarum, &c.

Metalla aliquando non rediguntur in Vitriola graduata; sed repetita cohobatione fiunt hujus generis menstrua. Ita sit.

115. Acetum mercuriale Trismosini.

Libro Moratofan sive oculo Tincturarum in secunda

Tinct. Pag. 79. Aur. Vell. Germ.

R. Argentum vivum purgatum more communi, & pone in alembico, cui affunde Acetum vini valde acre (*Acetum cum spiritu vini phil. mixtum superius sub No. 72. descriptum*) ad unciam mercurii, uncias tres aceti, sexies abstrahere in balneo, tandem fortiter urge ut ascendat in recipiens, distillatum rectifica & erit paratum.

*Aliquando loco Aceti phil. usus fuit aqua forti fortissimâ sub
No. 73. descripta.*

116. Aquæ.